



Հովհաննես Թումանյան

Տենչ

Մեկն էլ այն է հոգուս անթիվ տենչերի,
Որ իմ աչքով տեսնեմ հույզը ջրերի,
Ալեկոծվող օվկիանոսի մի տազնապ.
Ահեղագոչ ալիքները լեռնաչափ

Բարձրանային իրար վրա անդադար
Եվ մըրրիկը նրանց վրա սաստկանար...
Եվ դիտեի ժայռի գլխին ես կանգնած,
Երբ հողմակոծ կոհակները մոլեգնած
Մինչև երկինք փրփուր ու ջուր ցայտեին

Եվ, ոռնալով, բարձր ավերին գարկեին,
Եվ, խորտակված, օրհասական հեծժանքով
Հեռանային խաղաղացած հորձանքով,
Եվ, խլաճայն մոնչալով, նորից նոր
Բարձրանային աղջամղջում հեռավոր.

Նոր հարձակմունք, անհաշտ կռիվ գայրագնած...
Եվ նայեի ժայռի գլխին ես կանգնած:

1892